



Broj: 02-1302-9/18

Datum: 18.03.2019.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14), (u daljem tekstu: Zakon) člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa članom 45. Statuta Javne zdravstvene ustanove Univerzitetski klinički centar Tuzla (prečišćeni tekst), u vezi sa zapisnikom o pregledu i ocjeni ponuda broj: 02-1302-7/18 od 07.03.2019.godine, (u daljem tekstu: zapisnik) u otvorenom postupku javne nabavke prehrambenih proizvoda, objavljenom na portalu javnih nabavki pod brojem: 867-1-1-176-3-136/18 od 21.12.2018.godine i u Službenom glasniku BiH broj: 93 od 27.12.2018.godine, na preporuku komisije za javne nabavke, Direktor je donio

## ODLUKU

*o izboru najpovoljnijih ponuđača*

### I

Prihvata se preporuka komisije za javne nabavke i Okvirni sporazumi za javnu nabavku prehrambenih proizvoda dodjeljuju se ponuđačima kako slijedi:

1. „**MLIN I PEKARA**“ **DD Ljubače** za lot 1 u iznosu od 169.500,00 KM bez PDV-a (198.315,00 KM sa PDV-om)
2. „**DOLAR COMPANY**“ **d.o.o. Kalesija** za lotove 2 i 3 u ukupnom iznosu od 504.000,00 KM bez PDV-a (589.680,00 KM sa PDV-om)
3. „**REDEX**“ **d.o.o. Banovići** za lotove 4, 5, 10 i 11 u ukupnom iznosu od 107.259,60 KM bez PDV-a (125.493,73 KM sa PDV-om)
4. „**BOSNA-KOM**“ **d.o.o. Gračanica** za lotove 7 i 9 u ukupnom iznosu od 89.800,00 KM bez PDV-a (105.066,00 KM sa PDV-om).
5. „**LALA I LAĆO**“ **doo Bijeljina** za lot 8, u ukupnom iznosu od 12.450,00 KM bez PDV-a (14.566,50 KM sa PDV-om)

### II

Prijedlog okvirnog sporazuma dostavit će se na potpis izabranim ponuđačima iz tačke I ove odluke po isteku roka od 15 dana, računajući od dana kada su svi ponuđači obaviješteni o izboru najpovoljnijih ponuda.

### III

Ova odluka će se objaviti na web-stranici [www.ukctuzla.ba](http://www.ukctuzla.ba), istovremeno sa upućivanjem ponuđačima koji su učestvovali u postupku javne nabavke u skladu sa članom 71. stav 6. Zakona.

### IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

## Obrazloženje

Postupak javne nabavke prehrambenih proizvoda pokrenut je Odlukom o pokretanju postupka javne nabavke broj: 02-1302-1/18 od 20.11.2018.godine, putem otvorenog postupka objavljenog na portalu javnih nabavki pod brojem: 867-1-1-176-3-136/18 od 21.12.2018.godine i u Službenom glasniku BiH broj: 93 od 27.12.2018.godine. U ostavljenom roku ponude je dostavilo ukupno 12 (dvanaest) ponuđača. Nakon javnog otvaranja ponuda Komisija za javne nabavke je izvršila pregled dostavljenih ponuda te utvrdila da ponuđači "AS" doo Jelah-Tešanj, "Opšta poljoprivredn-proizvodno-prometno uslužna zadruga BIOS" po Visoko i "Prom – Sičko" doo Donja Orahovica nisu dostavili dokaze zahtijevane tenderskom dokumentacijom (nisu dostavili Izjave da će na zahtjev ugovornog organa dostaviti uzorke koji su predmet nabavke) zbog čega su njihove ponude odbačene iz daljeg učešće u postupku u skladu sa članom 68. stav 4) tačka (i) Zakona o javnim nabavkama.

Komisija je u nastavku izvršila ocjenu prihvatljivih ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, nakon čega je sačinila rang listu ponuđača kako je sve decidno navedeno u zapisniku o pregledu i ocjeni ponuda broj: 02-1302-7/18 od 07.03.2019.godine. Prema utvrđenoj rang listi, razlog za izbor ponuđača sadržan je u činjenici da su izabrani ponuđači podnijeli prihvatljive ponude koje su primjenom člana 64. stav 1 tačka b) ocijenjene kao najpovoljnije.

Iz zapisnika je utvrđeno da je Komisija za javne nabavke pravilno izvršila ocjenu prispjelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom.

Shodno naprijed navedenom a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

### **Pouka o pravnom lijeku:**

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.

Dostaviti:

- 1 x Ponuđačima
- 1 x Komisiji za nabavke
- 1 x a/a



**DIREKTOR**  
**Prof.dr.med.sci. Nešad Hotić**